



天下山河兩戒考補卷十一

當塗徐文靖著

鶉火之次

鄭注月令曰季夏者日月會於鶉火一名朱鳥

柳八星星經曰在黃道外十二度爾雅柳鶉火也鄭注考工鞞人曰鶉火朱鳥宿之柳其屬有星孔疏曰

當鶉火三星柳為首故先舉其首後言其屬也聖洽符曰注者木功也郝萌曰注星明厨養具未央分野

曰周星得注張周禮考工記以注鳴者注陟又反注音近味柳為鳥味也今西土柳宿五星外增一星

星七星星星經曰在黃道外二十一度少皇甫謐曰七星一名延頸巫咸曰七星為賜貨列宿占曰七

星主兵今西土星張張六星星經曰在黃道外二十三星外增一星張六度半南官侯曰張一名御府

寶齊伯曰張為周庫又為都官孝經章句曰張為天相其西四星四輔也石氏讚曰張主賜客賓主嬉故



近少微禮義時今西三宿酒旗酒旗三星在柳北軒

士張七星外增五星去極七十三度入柳十四度酒酒官也旗旗官也元

命包曰酒旗主上尊曆紀齊得諸靈合權故設酒旗

以人侑神晉志酒旗屬天市垣通占鏡屬柳又屬柳

軒轅陳陵一曰權星郝萌曰軒轅女主之廷也一曰

天柱荆州占曰軒轅前大星明一曰天關主陰關石

氏曰軒轅十七星南端明者女主也母也女主北一

星屏也上將也北六尺一星次妃也其次皆次妃也

北六尺一星次妃也其次皆次妃也女主人也妃也次將也

不明者女御也御西南丈所一星大明也太后宗也

御東南丈所一星小明也皇后宗也又曰軒轅星合

為自二十妃大小相次后宮多子孫晉志軒轅屬天

市垣乾象新書西八星屬柳中屬七星末屬張今西

士軒轅二十五星內平四星在軒轅末北中台

外增七星屬張內平南距西星去極五十二入

張宿六度廿氏讚曰內平近決讞請禮書

近執法之官有疑則準案禮書晉志作內屏屬天市

垣武密書屬柳乾象新書屬天相天相三星在七星

張今西士內屏三星亦屬張天相大星北酒旗南距

北星去極九十五度入星宿六度石氏曰天相者天

丞相也主服綵色文章巫咸讚曰天相爵服綵色顯

光晉志天相屬天市垣武密書屬七星屬張稷稷五星距

乾象新書屬軫今西士天相六星屬張稷稷五星距

帝占曰稷星溫溫而明歲大熟五穀成石氏曰稷星

不見歲饑也晉志作天稷武密書天稷屬七星又屬

柳乾象新書西二屬七星天廟天廟十四星在張宿

星屬柳餘屬七星屬七星天廟西南距西北星去極

五十二度入張六度天廟天子之祖廟也甘氏讚曰

天廟祭祀示民不怠黃帝占曰天廟星大色黃潤則

吉今西士屬張曆女御即在軒轅星內不別載皆

無此星屬張曆女御即在軒轅星內不別載皆

鶉火也位在南正之中周禮馮相氏掌二十有八星

面所分野屬三河詩王城譜曰王城者東都王城畿
 在豫州太華外方之間孔氏疏曰禹貢豫州注州界自
 荆山而至於河而王城在河南洛北是屬豫州也天
 官書於柳星張分野不言豫州而言三河者舊以河
 東河南河內為三河東周之初兼有河內周季止河
 南一郡若河東自在實沈次中於周何與案禹貢冀
 州孔傳曰此州帝都都不說境界以餘州所至則可知
 疏曰兗州云濟河豫州云荆河雍州云西河明東河
 之西西河之東南河之北是冀州之境則亦以三面
 距河為帝都也東都王城所在以河洛伊為三河故
 不得比於列國但係之以一州也易緯河圖曰河導
 昆侖東至維會名地神上為紀星論語識曰天紀九
 星以表九州定圖位又七星上係軒轅得土行正位
 當洛邑天下之中當時武王定鼎周禮疏曰武王克商遷
 紀天下上應天象者賈公彥周禮疏曰武王克商遷
 九鼎於洛欲以為都者欲取河洛之間形勝之所考
 之職方豫州之滎雒荆州之潁潁兗州之

左右而三河居天下之最中天地之所合以時之所
 交陰陽之所會風雨之所和東京賦所謂沂洛背河
 左伊右瀍者也蓋自大司徒以土圭之法止日景謂
 之地中保章氏星土之辨各有分星甘氏諸家互相
 傳述漢世司馬談父子世掌天官而以周之分野屬
 三河誠有見於三河者為諸州之總會故不得比於
 列國但係之古成周見前竹書平王元年辛未王東
 以一州也徙洛邑錫文侯命晉侯會衛侯
 鄭伯秦伯以師從王入於成周東遷以後皆以成周
 為東都是也考春秋經傳周地有鄆絺盟州陘隤懷
 郵閭郊要餞揚領京皇社陰汜解訾唐崩杏滑莒鄆
 馮孟瓦屋隰邲攢茅酒泉伊川坎歌翟泉邠垂邲鄆
 鄆田溟梁轅轅平時雜汭三塗陽城太室景亳孟津
 甘鹿北山圃車前城東圍侯氏谿泉任人京楚平陰
 澤邑牆人直人阪道尹道左巷西闡三川乾祭東訾
 尸氏施谷褚氏荏谷胥靡闕塞圍澤隄上負黍狐人
 闕外姑蕝儀栗窮谷穀城簡城上雒榮錡氏又西周
 之地駘岐豳毓岐陽鄆宮亦時見焉其餘內諸侯封

於申平王三十三年楚人鄧見前水經注鄧城東南
 侵申三十六年王人戍申鄧有小山先後名之為鄧
 塞祝融氏之都前見及周竹書成王十一年王命周平
 陳伯禽之弟宣王元年周定公輔政蓋其後也隱六
 年周桓公杜注周采地扶風雍縣東北有周城案平
 王東遷周亦食采於東不當以西周采地為說水經
 注河南城西有周山皇覽曰周山在河南城西有周
 亭西一統志周山在城南一十五里下有周谷蓋周
 公之采地也周公忌父死叔帶之難周公楚下無聞
 焉至考王封弟揭於河南以續周公之官是為西周
 桓公威烈王嗣位桓公孫惠公封其少子班於鞏以
 奉王號東周惠公顯王二年韓趙乃即其所封分周
 為二河南緱氏穀城三邑屬西周洛陽平陰偃師鞏
 屬東周於是東西周同於列國顯王特寄居洛陽而
 已般王復徙於西周般四十五年周君之秦東周也
 以微弱不知名號五十九年西周君犇秦史記正義
 曰西周武公西周君與王般並卒秦遷東周惠公孫

召公於囂狐聚後七歲莊襄王滅東西周而陽人
 聚為周君祀括地志陽人故城在汝州梁縣西南四
 十里汝州外古梁召竹書成王七年春三月召康公
 城即囂狐聚也如洛度邑宣王元年召穆公輔
 政僖二十四年富辰曰召穆公思周德之不類故糾
 合宗族於成周而作詩杜注召采地扶風雍縣東南
 有召亭其後平王東遷召亦於東都受采春秋時有
 召伯廖召伯奐召伯盈晉地道記河東垣縣有召亭
 蓋召公分陝之後所甘僖二十四年傳初甘昭公有
 徙其後遂因之也甘寵於惠后杜注食邑於甘河
 南縣西南有甘水山海經鹿蹄之山甘水發於東麓
 卽是水也水經注甘水東一十里許洛城南有故甘
 城尹竹書幽王元年王錫太師尹氏助曲沃莊伯杜注
 尹氏周世族大夫成十六年公會尹氏助曲沃莊伯
 子王卿士子爵傳曰尹武公是也後有尹言多尹文
 公尹辛皆其後也昭二十三年王子朝入於尹劉子
 從尹道伐尹水經注宜陽縣有共谷共水出焉南流

得尹谿口水出西北尹谷尹氏之采地故取名劉宣
 也鄭樵通志汾州故尹地蓋尹吉甫之所封
 年傳秋劉康公來報聘杜注即王季子也其後食采
 於劉水經注劉水出半石東山西北流注於劉聚在
 纘氏西南周畿內劉子國故謂之劉澗昭二十三年
 劉子如劉二十六年王城人焚劉杜注劉子邑及定
 王時劉毛文元年天王使毛伯來錫公命杜注毛國
 氏亡伯爵諸侯入為卿士者周書克殷解毛叔
 鄭奉明水是毛為叔鄭封國書顧命乃同召太保奭
 芮伯彤伯畢公衛侯毛公孔傳曰司空第六毛公領
 之竹書康王十二年秋毛懿公薨即書所謂毛公也
 穆天子傳天子東升於三道之隘命毛班逢固先至
 於周郭璞曰毛班毛伯衛之先也竹書穆王三十五
 年毛伯遷帥師敗荆人於涉皆其後也路史河南籍
 水旁有毛泉近上邽案上邽故邽戎國秦武公十年
 伐邽縣之其地為今秦州清水縣屬鞏昌府河南安
 得近之嘗見宋本水經注於穀水注中藥草蔽翳下
 錯以渭水注中渭水又東得歷泉至即洋水也三百

二十有二字列於其下內有云藉水又東合毛泉谷
 水又東逕上邽城南路史不審其誤遂謂毛泉近上
 邽矣案僖傳云狄伐周獲原伯毛伯注原毛皆采
 邑是有毛城毛城在河南也一統志元城縣有屯氏
 河一名單莊元年夏單伯送王姬杜注單伯天子卿
 毛河也薛尚功曰單在周為盛族單自襄公至
 六世而世有明德或稱單子或稱單氏成十七年公
 會單子伐鄭昭二十三年百工叛伐單氏之宮路史
 以單國在單州單父武隱五年武氏子來求賻杜注
 縣豈亦入為卿士者武武氏子天子大夫之嗣也水
 經注洛汭之水東合武里水南出武里山一統
 志武山在濟源縣西一十二里武武氏采地也榮
 莊元年王使榮叔來錫桓公命杜注榮叔周大夫榮
 氏叔字案竹書成王九年王使榮伯錫肅慎氏命厲
 王元年王作夷宮命卿士榮夷公落韋昭曰榮國名
 馬融曰周同姓畿內諸侯為卿大夫也昭二十三年
 王崩於榮錡氏杜注河南鞏縣西有榮錡澗路史
 以為即榮國周脾經有榮方戴記宰我問有榮伊邊

莊十九年傳邊伯之宮近於王宮王取之杜注邊伯
 周大夫史記周本紀邊伯等五人作亂是也山海經
 白邊之山又西曰熊耳之山熊耳在宜陽家桓八年
 縣白邊即在其東或當時邊伯采於是也天王使
 家父來聘杜注家父天子大夫家氏父字林注家父
 凡伯皆大雅之舊人也案水經注絳縣西有女家水
 出於家谷竹書桓王元年莊伯以曲沃叛伐翼公子
 萬救翼荀叔軫追之至於家谷公羊傳何休注曰家
 采地樊莊三十年傳號公入樊執樊仲皮杜注樊皮
 是也樊周大夫韋昭曰樊在畿內郡國志修武縣有
 陽樊田水經注潁水逕陽樊石莊十九年傳石速與五
 城東陽亦樊也亦曰陽樊石大夫作亂因蘇氏杜注
 膳夫石速也周語惠王二年石邀出王而立王子穰
 是也水經注洛水又東逕鞏縣故城南又東濁水注
 之又東北合洞水水發南谿石泉亦名為石泉水今
 鞏縣東南有石子河石蓋其采地也昭三十三年王
 使石張如晉定十四年天王使渠桓四年夏天王使
 石尚來歸賑是皆石速之後渠宰渠伯糾來聘杜

注宰官渠氏伯糾名也案昭二十六年傳劉子以王
 出次於渠杜注渠周地水經注洛水又東合渠谷水
 水出宜陽縣南女几鄆昭二十二年單子以王次於
 山是渠亦采地也鄆皇鄆貯伐皇二十三年二師
 圍郊鄆鄆潰杜注河南鞏縣西南有地名鄆中水經
 注京相璠曰今鞏洛渡北有鄆谷水東入洛謂之下
 鄆亦謂之北鄆又有鄆城左僖二十四年王使來告
 蓋周大夫鄆貯之舊邑左難使簡師父告於晉使
 左鄆父告於秦杜注二子周大夫水經注左澗水東
 出近川西流注於共水在宜陽縣東左澗即左鄆父
 所居之簡簡即簡師父采地定八年單子南隱九年
 地也簡伐簡城以定王室即是簡也南天王使
 南季來聘白虎通文王第十子南季載後也水經注
 涓水逕陸渾縣故城北東南流左合南水水出西山
 七谷南氏鞏昭二十二年子朝奔京鞏簡公敗績於
 食采處也鞏京杜注周卿士水經注鞏縣故城本周
 之畿內鞏伯國也今縣鞏莊十九年傳惠王即位取
 西南三十里有故鞏城鞏為國之圃以為囿為子國

之采邑也案隱十一年王取蕩邾之田於鄭後遂以
蕩為封邑襄三十年僖括圍蕩遂成愆杜注成愆蕩
邑大夫先時莊二十一年虢鄭同伐王城也長定元年
殺蕩國故是時以單公子成愆邑於蕩也長孟懿子
會城成周晉女叔寬曰蕩叔違天杜注天既厭周德
長弘欲遷都以延其祚故曰違天哀三年六月癸卯
周人殺蕩弘杜注終違天之禍案子貢詩傳蕩弘忠
於王晉趙鞅殺之周人傷之賦有兔左傳及杜注皆
以為城周違天之咎謬矣路史姬姓有蕩伯漢書藝
文志有蕩弘十五篇魏收地形志范陽蕩鄉縣有蕩
鄉城太康地記涿郡有長鄉古蕩長通用今鞏縣西
南有長羅川源出泚水縣方山皂麓洛陽縣東北山
有蕩辛桓十八年傳周公欲立王子克辛伯告王杜
弘冢辛注辛伯周大夫案襄四年傳昔周辛甲之為
太史也命百官箴王闕竹書昭王十九年命辛伯
從王伐楚喪六師於漢穆王元年命辛伯餘靡皆其
後也地理志上黨長子縣辛甲所祭隱元年冬祭伯
封至東遷之後辛伯亦從而東祭隱元年冬祭伯諸

侯為王卿士者祭國伯爵也僖二十四年富辰曰祭
周公之胤也國語穆王將征犬戎祭公謀父諫不聽
穆天子傳祭父自圃鄭來謁桓八年祭公來莊二十
三年祭叔來聘皆是杜注釋例曰祭城在河南上有
敖倉周公後所封括地志敖倉在鄭州滎陽縣西一
十五里今鄭州東北一十五里有祭城是也桓十一
年傳祭封人仲足杜注祭鄭地陳留長垣陰襄十二
縣東北有祭城二祭雖在鄭境相去甚遠陰年傳齊
侯許昏王使陰里結之杜注陰里周大夫後有陰忌
陰不佞案隋志河南宜陽縣有陰山水經注太陰谷
水南出太陰谿北流注於洛洛水又仍桓五年天子
東合白馬谿水出宜陽山澗是也仍使仍叔之子
來聘杜注仍叔天子之大夫毛萇詩序曰雲漢仍叔
美宣王也仍氏世為周大夫古仍在通用仍叔穀梁
作任昭二十二年王師軍於汜於成子受賑於社不
解次於任人當即仍叔之仍也成子受賑於社不
敬成子成肅公顏師古曰周大夫也案史記管蔡世
家武王第七子曰成公武武王封之於成郡國志濟

北成縣本國又濟陰有成陽縣也詹莊十九年王奪子
應劭曰為成所遷故曰成陽也詹禽祝跪與詹父田
杜注三子周大夫昭九年王使詹桓伯辭於晉杜詹
注桓伯周大夫國名記宣王支子詹侯之後也詹
周定王子季封詹襄三十年傳詹季杜注簡王弟也
其子詹括欲立王子佞夫後奔晉定六年天王處於
姑猶辟詹翮之亂瑕襄三十年傳瑕廖奔晉昭十二
僖氏世為周患瑕年成景之族殺瑕辛於市杜注
周大夫案瑕邑名也昭二十四年王子朝之師攻瑕
及杏杜注瑕杏敬王邑洛陽記禹州城北有杏山
老昭十二年傳老陽子杜注周大夫水經注富富倍二
新城縣西北有老到澗澗水西流入於伊富十四
年王將以狄伐鄭富辰諫弗聽韋昭曰富辰周大夫
也金史地理志鄧州內鄉縣有富水水經注富水又
東逕富陂縣故城聃文十四年傳周公閱與王孫蘇
北漢志縣屬汝南聃爭政王使尹氏與聃啓訟周公
於晉杜注聃啓周大夫按管蔡世家武王封弟季載
於冉冉或作聃國語聃由鄭姬賈遠曰文王子聃季

之國聃啓蓋其後也國名記聃國伯爵京兆今有聃
亭其後聃徙而東僖二年鬪章囚鄭聃聃當在周
之畿內與鄭近也史記索隱曰莊十八年楚克權遷
於那處杜注南郡編縣有那口城聃與那皆奴甘反
非賓周昭十二年傳王使賓滑執甘大夫襄杜注賓滑
也賓周大夫十二年傳賓起有寵於景王亦曰賓
孟賓蓋其采邑也水經注中川水與賓水合而北流
逕盧縣故城東賈公彥注王制曰依周禮畿內閭田
大夫則於二百里為采地卿則於四百里為采地公
則於五百里為采地是采地不止近畿又有以侯伯
而入為卿士者慶定七年傳單子劉子逆王於慶氏
則從本國之號慶杜注慶氏守姑猶大夫王符潛夫
論仲山甫封樊慶姓則慶氏固樊之別封也其後有
慶普漢世傳禮為慶氏學晉安帝時有慶純為詩中
以避清河王黨定七年王入於王城館於公族黨氏
諱改賀氏黨杜注黨氏周大夫案莊三十二年傳
築臺臨黨氏哀十一年季孫使冉求侯於黨氏夷莊
之溝魯亦有黨氏賈遠曰黨氏魯大夫任姓

六年傳晉武公伐夷執夷詭諸杜注詭諸周大夫夷
采地名晉伐夷不有其地既而為國謂晉曰與我伐
夷而取其地即此也僖二十三年楚伐陳取焦夷杜
注夷一名城父此又別是一夷案此時之夷尚未名
城父襄元年晉侵楚焦夷及陳亦未名城父也昭九
年楚公子棄疾遷許於夷實城父取州來淮北之田
以益之然丹遷城父人於陳以夷濮西田益之杜注
夷田在濮水西者此時遷城父人於夷改夷為城父
何又名城父為夷焦夷之夷在亳今改曰夷實城父
也夷濮名夷者蓋夷國歷襄公時尚未改也夷田在
濮水西者水經注濮水出河南密縣大騁山又東南
逕長社故城西北南濮北濮二水出焉是也地形志
陳留浚儀縣有城父此夷也誤原僖二十四年富辰
云城父當即為周夷伯之國也原曰原文之昭也是
年秋頹叔桃子奉太叔以狄師伐周大敗周師獲原
伯杜注原采邑二十五晉侯朝王王以原田賜晉
冬晉侯圍原遷原伯貫於冀杜注伯貫周守原大夫
案原伯伯爵貫名昭十二年周原伯綏十八年周原

伯魯皆稱原伯不得以伯貫為二名也又案周本紀
叔帶殺譚伯唐固據左傳讀譚為原則亦稱原伯也
括地志故原城在懷向隱十一年王與鄭向十三州
州濟源縣西北二里向志曰軹縣南山西曲有故向
城即周向國也竹書幽王五年皇父作都於向詩小
雅皇父孔聖作都於向是也朱子集傳曰向地名在
東都游僖二十四年王使游孫伯如鄭請滑杜注周
畿內游大夫案水經注淮水於廣陵淮浦縣枝分北
為游水游水又北逕祝其縣故城西又東北逕紀鄆
故城南所歷皆春秋諸國之地或當時游水之上故
有封邑所未詳也又案費成十三年傳晉絕秦曰殄
戰國策有游騰其後也費滅我費滑杜注費滑滑國
都於費今緱氏縣史記禹後用國為姓有費氏世本
費作弗羅莘注路史曰河南費禹後括地志緱氏故
城本費梁哀四年傳楚為一昔之期侵梁及霍杜注
城也梁河南梁縣西南故城也梁南有霍陽山
皆蠻子之邑也水經注汝水之右有霍陽聚汝水逕
其北東合霍陽山水水出南山左傳哀四年楚侵梁

及霍服虔曰梁霍周南鄙也水又逕梁城西春秋周
小邑也於戰國為南梁矣晉志河南南梁謂為南梁別
少梁也又謂之三梁大梁少梁南梁為三史記穰侯
列傳戰勝三梁索隱曰三梁即南梁也地道記梁縣
西南十五里有梁國城竹書貞定王七年晉荀瑶城
南梁秦城西周徙其君此城杜以梁為蠻子邑非也
周梁伯姬姓郡國志河南 鄆 桓九年楚子使道朔將
梁縣故國伯翳後亦非 鄆 巴客聘於鄆鄆南鄙鄆
人攻而奪之幣杜注鄆在今鄆縣南沔水之北水經
注清水南逕鄆塞東又逕鄆城東古鄆子國也蓋鄆
之南鄙司馬彪以為鄆之 鄆 隱元年鄭伯克段於鄆
鄭聚矣晉志襄陽有鄆縣 鄆 杜注鄆今潁川鄆陵縣
國語富辰曰昔鄆之亡也由仲任韋昭曰鄆妘姓之
國唐尚書云鄆為鄭武公所滅鄆一作鄆史記鄭世
家段出走鄆是也鄆入鄭改鄆陵成十六年晉楚戰
於鄆陵杜注鄭地今屬潁川郡是也後又改安陵漢
志潁川鄆陵縣六國曰安陵是也括地 暴 文八年公
志鄆故城在許州鄆陵縣西北十五里 暴 子遂會雜

戎盟於暴杜注暴鄭地案世本暴辛公作墳蘇成公
作簞宋衷注云平王時諸侯據毛詩小序何人斯蘇
公刺暴公也伯氏吹簞仲氏吹簞鄭箋云其相應和
如壘簞以言宜相親愛也世遂以為作謬矣又成十
五年楚子使鄭 主 襄十九年傳王媯之班亞宋子杜
及暴遂即此 注宋子媯皆鄭穆公妾國名記
舜後有圭商滅之非也周始錫 桃 昭二十八八年傳初
胡公媯姓其地無考故附於鄭 桃 叔向欲娶於申公
巫臣氏其母曰是鄭穆公少祀 桃 子之子也國名記
桃子蕭姓春秋時猶在史記音義曰燕縣有桃城後
漢書注曰任城有桃聚不知 戈 史記禹後分封用國
誰實為桃子之地故附於鄭 戈 為姓有戈氏戈本夏
同姓國也竹書帝相二十年寒泥滅戈後因以戈封
羶哀元年傳少康使季杼誘羶遂滅過戈杜注戈羶
國是也戈地在宋鄭間哀十二年 揚 僖二十四年揚
傳鄭城岳戈錫故以戈附於鄭 揚 拒泉臯伊雜之
戎同伐京師杜注揚拒泉臯皆戎邑及諸雜戎居伊
水雜水之間國名記有揚戎昭二十二年劉子奔揚

拒國名記有拒戎水經注洛水自上洛縣東北于拒城西北分為二水隋志洛南縣舊曰拒陽拒戎之

也故居泉國名記有泉戎昭二十三年前城人敗陸渾于社服虔曰前讀為泉京相璠曰洛陽西南

五十里伊闕外前亭阜國名記有阜戎山海經放阜杜注伊闕北有泉亭阜之山明水出焉南流注於伊

唐志河南陸渾縣有鳴伊伊戎戎處於伊者後漢西阜山阜戎之故居也伊戎戎處於伊者後漢西

伊川胡三省注通鑑曰伊闕雒戎戎處於雒者文以南大山長谷蠻多居之雒戎戎處於雒者文

洛陽縣西南小戎桓二八年傳小戎子女也襄十九有故戎城注小戎允姓之戎子女也襄十九

年傳齊諸子仲子戎子杜注諸子諸妾姓子者二子皆宋女二戎子一以為子姓一以為子女非也案昭

九年傳王使詹桓伯辭於晉曰允姓之姦居於瓜州伯父惠公歸自秦而誘以來晉惠公夷吾之立在魯

僖十年安得先為允姓之女所生乎又諸子內官之號見房玄齡管子注杜以為諸妾姓子者非小戎子

不知所在杜以允姓之陰戎昭九年晉梁丙張趯率戎居陸渾故附於此陰戎陰戎之所居宣二年趙盾自

河南平陰縣故晉陰地陰戎之所居宣二年趙盾自陰地率諸侯之師以侵鄭即平陰也杜注陰地晉河

南山北自上雒以至陸渾哀四年蠻子赤奔晉陰地楚使謂陰地之命大夫士蔑杜注亦同豈有自河南

山北以率諸侯之師又陰地之命陸渾僖二十二年大統言河南山北無所專指乎陸渾秋秦晉遷陸

渾之戎於伊川杜注允姓之戎居陸渾在秦晉西北二國誘而徙之伊川遂從戎號至今為陸渾縣也昭

九年晉率陰戎伐潁杜注陰戎陸渾之戎也蓋據河南山北為晉陰地之說也昭十七年晉荀吳帥師涉

自棘津遂滅陸渾陸渾子奔楚今蠻氏成六年晉衛河南嵩縣北三十里有陸渾故城蠻氏鄭伊雒之戎

陸渾蠻氏侵宋杜注蠻氏戎別種也河南新城縣東南有蠻城蠻一作鄭郡國志新城有鄭聚古鄭氏今

名蠻中史記正義曰新城今洛州伊闕縣也昭十六年楚子使然丹誘戎蠻子殺之遂取蠻氏呂覽晉令

揚子將卒十二萬涉於棘津襲聊阮蠻氏滅三國焉
晉志河南陸渾縣故蠻子國似誤以陸渾蠻氏為一
茅戎之地 成元年秋王師敗績於茅戎杜注茅戎戎

河河北對茅城故茅亭茅戎邑也公羊傳曰晉敗入
大陽者也津亦取名焉秦伐晉自茅津濟唐書地理
志陝縣有大陽故關即茅津一曰陝津括地 皆其分

也 已上凡畿內諸侯例得稱國王制天子之縣內方
六十有三皆得稱國也其餘如子旅氏南宮極之
類封邑皆無可考桃子祝詭庾過之類又皆為黨亂

之人並從其畧序及戎蠻者見當時
輦轂之下包容荒穢無所不有也
鶉尾之次 鄭注月令曰孟秋者日月會於鶉尾斗建

日鶉尾一名鳥注一曰周禮曰鶉尾一名鳥帑皇甫謚
尾亦為鳥注者爾雅注旄首曰旄孫炎曰析五采羽

注旄上也周禮獸人令禽注於虞中賈公彥曰注聚
也聚於旄旗之所考工記鍾氏染羽鄭注羽所以飾

旄旗及王后之車軫為車翼為羽 翼經曰在黃道外
翻故亦為鳥注而義有不同也 翼經曰在黃道外

二十度半石氏曰翼主輔翼以衛太微宮法九州之
位人為將相繩直有例內外小星四十六官各隨其
度小臣之象也隋志曰翼軫四星經曰在黃道

主夷狄遠客負海之賓 軫四星經曰在黃道
天車楚國星也南官侯曰軫天員府也黃 二宿東甌

者占曰軫主察凶災冢宰之臣四輔也
東甌五星距度見前隋志翼南五星曰東區蠻夷星
也甘氏曰客星入東甌其王且操金玉來下中國晉
志東甌在二十八宿屬翼 今西曆又有馬尾四星
之外乾象新書入張宿 在青丘南屬翼經天該
翼宿歌曰丘南馬尾橫三星上端 長沙 長沙一星距
一簡光明巨是也馬尾古未載 長沙 長沙一星距
日長沙星明王者保慶子孫昌百二十左轄 左轄一
占日軫星及長沙星明天子內佐親強 星在軫

北去極一百一度半入軫宿五度百二十占曰軫右
 為天車車失轄則傾列宿說曰轄星動車騎用
 轄右轄一星在軫南去極一百十度半入翼宿十六
 也轄明與四星等若轄進退兵大起軫南小星去軫
 二寸者膏也轄進膏搏軫是謂天亡膏三月車騎發
 膏轄各反其處車騎罷石氏曰轄二星不欲明明則
 輜車行兩轄欲進相去七寸相去一尺以外皆凶
 軍門五度半入翼十三度巫咸曰軍門二星在青丘
 西天子六軍之門也讚曰軍門營候虎尾威旗乾土
 象新書軍門屬翼武密亦屬翼今西曆無此星
 司空土司空四星在軍門南距西南星去極一百二
 丘司空者司察土域星黃潤則吉巫咸曰土司空主
 界域隋志亦曰司徒案土司空屬軫者如周禮土訓
 掌道地圖王巡守則夾王車是也亦曰司徒者大司
 徒以天下土地之圖周知九州之地域廣輪之數是

也乾象新書土司空青丘占曰客星守青丘土宮有
 屬翼今西曆無此星青丘占曰客星守青丘土宮有
 事晉志在二十八宿之外器府軫南距大星去極一
 今西曆青丘三星屬翼器府軫南距大星去極一
 庸器掌藏樂器是其職也甘氏讚曰器府掌固管絃
 絲竹管絃之盛後人謂管竹絲絃字義重複文選不
 載不知四字先見於星經又漢張禹傳後堂理絲竹
 管絃右軍豈無本耶晉志器府在二十八宿之外乾
 象新書屬翼今屬軫皆鶉尾也位在南正之東分野
 西曆無此星屬軫皆鶉尾也位在南正之東分野

屬荊州禹貢荊及衡陽惟荊州孔傳曰北據荊山南
 至衡山之陽周禮正南曰荊州其山鎮曰衡山其澤
 藪曰雲曹其川江漢其浸潁湛鄭注潁出陽城宜屬
 豫州湛未聞案左傳昭十二年楚子狩於州來次於
 潁尾杜注潁水之尾在下蔡西水經注潁水過慎縣

故城南又東逕蜩螗郭又東入於淮卽春秋之潁尾
是潁在楚界亦荆州浸也左傳襄十六年楚公子格
帥師及晉師戰於湛阪京相璠曰昆陽縣北有蒲城
蒲城北有湛水水經注湛水出隼縣北魚齒山東南
流爲湛浦是湛爲荆州浸也
元命包曰軫星散爲荆州
古荆 見前考春秋經傳
津湫陘郢申呂睽蔞荻商廬選仞葉鄉沂艾沈鄧瑕
巢駕釐虺焦夷棠汾棘櫟麻瓊訾邾鄭茄卷潛六窮
養睢鄖稷麋豐白慎沈鹿郊郢荒谷冶父漢洧那處
夕室召陵方城析隈連穀渚宮期思阜山大林陽丘
訾枝句溼阪高陘臨品石溪輶陽漳溼臯滸夢中
滑洧夏州州來鍾離新石繁陽庸浦湛阪桑隧雩婁
荆山塗山夏洧鵲岸羅洧萊山南懷汝清豫章乾谿
不羹岡山潁尾固城息舟魚陂訾梁棘闡宗丘長岸
下陰鷄父遠溼圍陽州屈丘皇沙洧南岡容城柏舉
大隧直轅冥阨武城小別大別清發雍溼雲中漢陽
軍祥棠谿成白脾洩負函繒關少習三戶高父夷鄖
城父烝卽烝野夏卽夏洧析卽白羽蒲胥之市汝陰

之田坻箕之山章華之臺太室之庭公壻之谿夷濮
西田襄十年會吳于相杜注祖楚地京相璠曰相宋
地今彭城偃陽縣西北有祖水溝去偃陽八十里故
祖不入於楚昭十三年楚常壽過圍固城克息舟城
而居之杜注息舟楚邑城之堅固者水經注河南有
固城城側洧川卽新野山都舊治也魏收地形志汝
南臨汝縣有固城故以固城爲地名定四年楚子涉
睢濟江入於雲中杜注入雲蔓澤中定五年王遇盜
於雲中皆是也離騷九歌湘君雲中君湘江有祀
雲中亦有祀雲中楚望也注以爲雲師屏翳謬矣
見前卽地有蒲騷卽一作邲宣四年傳若敖娶於邲
杜注邲國名卽卽國也周平園跋文苑英華曰其間
賦多用員來非讀泰誓正義安 都 見前案杜注都本
知今日之云字乃員之省文 若 在商密後遷於南
郡都縣爲楚附庸定四年令尹羅 見前權 見前
子西遷郢於都都又爲楚都也 羅 見前權 見前
文十年厥貉之會麋子逃歸十一年楚子伐麋成大
心敗麋師於防渚潘崇復伐麋至於錫穴路史麋羸

姓子桓王三年楚子再敗麋師於房渚今之房陵荆
州釋例云在當陽非當陽乃麋見文十一年及定五
年芊姓子舊云鄖鄉非也案桓王三年即魯隱六年
無楚伐麋事惟頃王三年成大心敗麋師於房渚即
文十一年楚子伐麋者也潘崇復伐麋至於錫穴伐
麋非楚子再敗麋師者亦非於房渚也文十一年楚
子伐麋杜注麋九倫反十六年麋人率百濮聚於邈
者即麋也定五年吳師居麋則麋所遷之地也是
時子期焚麋吳師大敗乃歸王使由于城麋杜注於
麋築城一統志岳州麋子國有東西二城楚昭王使
王孫城麋即此也公羊麋作圈亦求阮反無有作麋
者穎容釋例曰麋當陽也宋白曰當陽東南六十里
有麋城楚伐麋即此郡國志漢中錫縣劉昭注楚子
伐麋二書麋誤作麋或云當陽有麋城三國時麋芳
所築非麋地也又錫穴漢為錫縣沈約宋書漢錫縣
晉太康五年改曰鄖鄉又長利縣晉改曰錫縣春秋
錫穴自在鄖鄉乃穀桓七年穀伯綏來杜注穀國在
轉以為非何也穀南鄉穀城縣北水經沔水南逕

穀城東又南過陰縣之西注曰沔水東逕穀城南而
不逕其東矣城在穀城山土春秋穀伯綏之邑也案
穀伯贏姓今縣西北七里古綏穀十三年伐綏之
穀城縣西四十里有穀城山有古綏穀十三年伐綏之
杜注彭水在新城魏昌縣水經注沔水又南逕筑陽
縣東又南筑水注之杜預以為彭水也筑水又南逕
筑陽縣故城南縣故楚附庸也桓十一年楚屈瑕
楚附庸臨彭水者疑卽綏也穀將盟貳軫杜注貳
軫二國名國名記貳軫國名記軫軫姓在楚東南
姓在隨州南楚城之軫楚城之考畧謂在德安府
應城縣西案二十八宿山經曰翼山軫山相連在楚
荆門山中央齊伯曰軫者生於蒙山長為楚國一統
志蒙山在荆門州西又州南五里有荆門山是星家
以蒙山為軫山其地正在於應城縣西或當日軫居
其下故州桓十一年鄖人軍於蒲騷將與隨絞州蓼
以為名州伐楚師杜注州國在南郡華容縣東南楚
武王時觀丁父滅之盧桓十三年楚屈瑕伐羅羅與
今荆州府監利縣盧戎兩軍之杜注盧戎南蠻

襄陽耆舊傳曰中盧古盧戎也文十四年楚子燮子儀作亂廬戢黎誘之杜注盧今襄陽中盧縣戢黎廬大夫是時廬已入楚十六年楚人伐庸自廬以往振廩同食是也史記淮陰侯傳項王亡將家在伊廬徐廣曰東海胸縣有伊廬鄉正義曰秦謂之伊廬漢為中廬縣又引括地志云春秋時盧戎之國殊失考也案中廬故城今在襄陽陰昭十九年楚工尹赤遷陰府南漳縣東五十里陰於下陰杜注陰縣今屬南鄉郡水經注沔水逕穀城東又南逕陰縣故城西故下陰也春秋遷陰於下陰是也今襄陽府光化縣西漢水西岸有夷虎哀四年楚人既克夷虎乃謀北方古陰縣城杜注夷虎蠻夷叛楚者案商虎方鼎銘曰虎方博古錄云虎方猶鬼方竹書武丁三十二年伐鬼方次於荆則楚近也又周南官中甸曰伐及虎魚左傳魚人逐楚師王會解魚三苗之國方是也復鼓鐘鐘牛注楚師復南蠻也三苗之國昭元年傳趙孟曰虞有三苗杜注三苗饕餮放三危者文十八年傳帝鴻氏有不才子天下之民謂之渾

敦縉雲氏有不才子子天下之民謂之饕餮杜注帝鴻黃帝渾敦謂驩兜縉雲黃帝時官名案山海經驩頭生苗民苗民釐姓黃帝子得姓者十二人第七為釐則縉雲為渾敦之支庶而三苗乃其後也國語三苗復九黎之後德蓋謂行其凶德如九黎之為注以三苗為九黎之後非也書舜典竄三苗於三危馬融曰三苗苗國名魏策吳起曰昔者三苗之居左有彭蠡之波右有洞庭之水今湖廣岳州是也皆其分也

壽星之次

鄭注月令曰仲秋者日月會於壽星而斗建酉之辰也壽星一名庫營皇甫謐曰壽

星一名天庫一名角宋志曰在赤道外六度黃帝占天翼一名天正角二星在赤道外六度黃帝占

日角星左蒼右黃正色也右角赤明天下亢亢四星有兵左角赤明天下平今西土外增五星

在黃道內五度半石氏曰亢者天帝廟宮海宇占曰亢星齊明宗廟有敬朝廷有序又曰秋分視亢不見

五穀盡傷桑將二倍 **二宿平道** 平道二星在兩角間

今西士外增三星 距東星去極九十一

度入角宿二度平道 官也 甘氏讚天田

日平道除道塗轍宣輪晉志平道屬太微垣

二星在右角北距西星去極七十三度半入角二度

半甘氏讚曰天田處界縣邑正邪處區處也漢書郊

祀志高帝令天下立靈星祠靈星謂天田也晉書天

田二星不載隋志角北二星曰天田與甘氏同今西

士外增進賢進賢一星在太微垣東華門外近角舍

二星 進賢平道西距極一百四度入軫宿十四度

甘氏曰進賢卿相舉逸命才晉志屬太微垣周鼎

微垣今西士外增五星亦屬太微垣 周鼎星在天

田西北攝提西距東北星去極六十四度半入角七

度半春秋緯曰天鼎主流亡宋均曰天鼎周鼎也甘

氏讚曰周鼎酒樽二簋在壺 天門南距西星去極一

晉志屬太微垣與今西士同 天門南距西星去極一

百四度半入軫宿十六度廿氏讚曰天 平星平星在

門待客應對無疑今西士外增二星 平星在

門東南庫樓上距西星去極一百一十一度半石氏曰

平星欲齊等廣狹有常高下不差則天下治萬物成

合誠圖曰平星主廷平邨萌曰平星主天下獄事 庫

若今廷尉之象今西士平一作屏又外增一星 庫

樓西南四星方斜為樓中有四小星為衡旁十五星

三三而聚者為柱距西北星去極一百二十三度入

軫宿十五度半春秋元命包曰天庫主陳兵石氏曰

庫樓及五柱皆不見兵車盡出讚曰庫樓之官兵所

藏其中欲實惡虛空今西士庫樓七星外增二星柱

九星衡星南門南門二星在庫樓下西大星近樓前

一作平衡南門距西星去極一百三十七度入軫宿

十一度春秋緯曰角南兩大星曰南門注曰南門天

之外門也黃帝占曰南門星欲明執法吉人主昌石

氏曰南門中有小星三芒者則兵車屬角 今西曆又

出今西士南門二星分一星屬亢 屬角 有馬腹三

星在庫樓下屬角經天該角宿歌曰樓下馬腹 大角

三星明南門小星當腹處是也馬腹古未載 大角

大角一星最明大春夏必先見於天中其勢與斗柄
下玄戈招搖相值稍灣與亢接在亢上去極六十六
度入亢宿二度半居攝門中紀士樞曰大角為天棟
正紀綱春秋緯曰大角為坐候又曰大角者天王帝
席也石氏曰大角天幢也明則天子威行讚曰大角
帝席色欲明光隆潤澤德合同晉志大角屬太微垣
今西七大角一折威折威七星在亢南如折軸距西
星外增一星折威第三星去極百二度人亢宿四
度石氏曰折威者天子執法之徒也郗萌曰折
威星不居積卒間胡兵大興今西士無此星
攝提六星距度見前石氏曰攝提六星夾大角一名
天樞一名三老一名天樞一名天武一名天兵星東
向三三而居形似鼎足常東向天子吉昌若北向即
天下有事荆州占曰攝提一名關兵主天子門關樂
叶圖徵曰攝提為楯以兵夾捧帝席也合誠圖曰攝
提主九卿帝嬉覽曰仁道不行攝提失衡宋均曰失
衡謂不東向也乾象新書攝提六星右屬角頓頑頓
左屬亢今西士右四星左三星外增一星

頓頑頓

二星在折威東南距東星去極一百十二度半入亢
宿四度巫咸曰頓頑亦獄官也所以與折威相近譜
曰頓頑捕制察伺獄囚步天歌作頓頑天元曆理作
頓頑字近而訛今西士頓頑二星內分一星入騎官
陽門一陽門二星在頓頑西南庫樓東北距西星去極
一百十三度入角宿十度巫咸讚曰陽門戍遠
劍戟楯矛郗萌曰有星入陽
門五兵藏晉志陽門不載屬亢皆壽星也位在東

正之南分野屬兗州 禹貢濟河惟兗州孔傳曰東南
據濟西北距河疏曰據謂跨之

距至也爾雅濟河間曰兗州郭注曰自河東至濟周
禮河東曰兗州其山鎮曰岱山其澤藪曰大野其川
河沛其浸廬維釋名以為取兗水之義史記夏本記
兗州作沅州職方氏豫川榮雒鄭注曰榮兗水也禹
貢導沅水即兗水孔仲達曰周之兗州於禹貢侵青
徐之地蓋以其曰鎮曰岱山其澤藪曰大野知之秦
并天下為東郡碭郡之東北境鉅鹿之東境齊郡之
北境漢復置兗州元命包曰五星流為兗州案天官

書角亢氏兗州一行以氏屬大火古陳見前陳地有濮焦夷壺丘

分野入豫州壽星止角亢二宿或曰在陳州南境案水

辰陵栗門鳴鹿大冥文九年楚侵陳克壺丘杜注壺丘陳地考畧不言所在但云或曰在陳州南境案水

經注漣水逕新蔡縣故城東而東南注於汝水汝水又東南逕壺丘城北故陳也文十年楚子蔡侯次於

厥貉杜注闕考畧亦以蔡見前蔡地有莘許地有展

為陳地今無所證不錄蔡桑隄鄆陽州來許地有展

陂鉏任泠敦械林函氏許凡四息見前說江前黃前

遷其遷地有葉荆白羽容城息文作鄆江前黃前

左傳僖十三年楚滅黃國策衛悼公之時犀首伐黃也道前見柏前見沈表季載字子揖封諸沈成王立為司

過衛韋昭注黃國名是黃既滅而復亡於春秋之後也道前見柏前見沈表季載字子揖封諸沈成王立為司

空不知何賴前見蓼見前左傳作項前頓前胡見前考

據而云鄭注胡之笥鄭注胡防前弦見前水經注黃水東逕南

胡之子之國在楚旁防前弦見前水經注黃水東逕南

弦高國是弦子有名高者與鄭人弦高同名案淮南子秦襲鄭鄭賈人弦高蹇他矯鄭伯之命以十二牛

勞之三率乃還師而反鄭以存國之功賞厲見及呂

成七年傳楚子重請取於申呂以為賞田呂姜姓國伯夷始封郡國志汝南新蔡縣有大呂亭水經注縣

西南有小呂亭晉元嘉二十五年以豫部蠻民立呂亭縣即是處也至周穆王時呂侯入為司寇宣王世

改呂為甫書序呂命穆王訓夏贖刑作呂刑孔傳曰後為甫侯故稱甫刑大雅嵩高為宣王之詩云生甫

及申是宣王世改封為甫也揚之水為平王之詩云不與我戍甫甫至東周尚在不知何年為楚滅也

應僖二十四年傳應武之穆也杜注應國在襄城城應父縣西南案竹書盤庚七年應侯來朝殷時已有

應國周滅之成王以封其弟周器有應侯作姬原母尊敦博古錄云武王第四子應侯是也水經注澠水

又東南逕應山北又南逕應城西地理志故父城縣之應鄉也武王封其弟為侯國武當作成字誤也地

山行記

理志潁川有父城縣沛郡有城父縣括地志父城
 故城在汝州襄城縣東四十里杜注城父亦誤
 昭元年傳商有邳姚杜注二國商諸侯說文姚商諸
 侯為亂者竹書外壬元年邳人姚人叛河亶甲五年
 姚人入於班方彭伯韋伯伐班方姚人來賓竹書姚
 又作姚呂氏春秋有姚氏女採得嬰兒於空桑是也
 括地志古國在陳留縣劉路史堯長子監明早死
 東五里有故姚城即姚也劉其子封劉昭二十九年
 蔡墨曰有陶唐氏既衰其後有劉累學擾龍於豢龍
 氏以事孔甲既遷於魯縣杜注魯縣今魯陽水經注
 也金史地理志汝州寶豐縣即劉累之故邑胡定十五
 胡歸姓胡也哀六年使胡姬以安孺子如賴杜注胡
 姬景公妾姬姓胡也盟會圖疏云在豫州鄆城縣界
 蔣僖二十四年傳蔣周公之胤也杜注蔣在弋陽期
 文十年宋逆楚子道以田孟諸期思公復遂為右司
 馬杜注復遂楚期思邑公是也今光州固始縣西七

十里有封父姜姓國炎帝孫鉅始封史記封禪書有
 期思城封父封臣應劭曰封臣黃帝師定四年傳封
 父之繁弱杜注封父古諸侯也禮明堂位大璜封父
 龜天子之器唐書世系表汴州封丘縣有封父亭即
 封父所都魯國都記衛之延鄉高祖以不羹昭十一
 為封丘今縣在開封府城北七十里
 城陳蔡不羹杜注襄城縣東北有羹城定陵西北
 有不羹亭十二年楚靈王謂子革曰今我大城陳蔡
 不羹賦皆千乘諸侯其畏我乎對曰是四國者專足
 畏也杜注陳蔡二不羹則是二不羹為二國也水經
 注汝水又東逕襄城縣故城南京相璠曰周襄王居
 之故曰襄城也汝水又東南流逕西不羹城南又東
 南逕繁丘城南又東南逕定陵縣故城北水右則澠
 水左入焉澠水逕昆陽縣故城北東逕西不羹亭南
 亭北背汝水於定陵城北東入汝漢志以在襄城者
 為西不羹定陵為東不羹也襄城縣今屬許州定陵
 今為裕州烈山氏之國昭二十九年傳蔡墨曰有烈
 山氏之子曰柱為稷自夏以

上祀之杜注烈山氏神農世諸侯案祭法厲山氏之
有天下也其子曰農能殖百穀鄭注曰厲山氏炎帝
也起於厲山或曰有烈山氏賈疏曰其子曰農能殖
百穀者農謂厲山氏後世子孫名柱能殖百穀故國
語云神農之子柱作農官因名農是也韋昭曰烈山
氏炎帝之號祭法厲山氏之有天下則知非諸侯也
山在今隨州城北一百八十里
依杜注附於列國故畧論之 皆其分也

天下山河兩戒考補卷十二

當塗徐文靖著

大火之次

鄭注月令曰季秋者日月會于大火斗建
戌之辰也周禮曰大火一名味一名天馬

氏志曰氏為天根周語本見而草木節解常昭曰本

氏也詩維周之氏毛傳曰氏本也是氏為本之義石

氏曰氏一名天廟一名天府前二大星縮後二星妾

前星皇后貴族府其四星欲明臣奉法度房房四星

天下安寧今西士氏四星外增五星房經曰在黃

道外一度弱景祐測驗曰在赤道外二十三度石氏

曰房為四表三道日月五星常道也上第一星名為
右服次將其名上道次第二星名右驂上相其名中
道三星名左服次將其名下道四星名左驂上相總
四表元命包曰殷紂之時五星聚于房房者蒼心
龍之精周據而興今西士房四星外增二星

星經曰在黃道外三度半石氏曰大星者天子太
 史公曰上星太子星下星庶子星案心為大火大辰
 商人祀之故謂心為商語曰參辰亦曰參商王充論
 衡曰參昴以冬出心尾以夏見魏氏圖曰參與辰俱
 見天下有兵今西士三宿天乳天乳去極九十二度入
 心三宿外增二星氏宿十四度列星圖曰天乳主甘露
 氏宿十四度列星圖曰天乳主甘露星明潤則甘露
 降甘氏星簿讚曰天乳甘露也今西士天乳之二招搖
 張華曰天酒甘露也今西士天乳之二招搖星
 星列天市垣即巴星外增二星之招搖星
 瑞直下去極五十一度入亢宿四度半荆州占曰招
 搖南夷也一名金星春秋緯曰斗端有兩星一內為
 矛招搖一外為楯天鋒主兵用若動兵六起黃帝占
 曰招搖者尚羊也又曰斗末之星招搖之問名為天
 庫招搖離其處名曰開庫開庫兵發又曰招搖星欲
 明而微小則王者威令行四夷韓楊曰客星入招搖
 南夷王且操奇物來降國者又招搖與斗杓同名張
 衡思玄賦倚招搖攝提以低回劉流兮察二紀五緯

之綱繆裔皇蓋因攝提直斗杓所指以建時節梗河
 李善注引矛招搖誤矣今西士招搖外增一星
 梗河三星在星大角東北距大星去極五十九度入氏
 宿二度石氏曰梗河三星天矛蠡梗者遞也河者擔
 也士卒更遞擔持天矛以行也在斗杓頭主殺所向
 無前也荆州占曰梗河天盾晉灼曰名天蠡郝萌曰
 天矛者天子之兵也武密書梗河三星屬帝席帝席
 亢今西士梗河七星外增五星亦屬亢帝席三星
 在梗河下大角西北距東星去極六十七度半入氏
 宿一度半甘氏曰帝席三星不欲明明則大臣外其
 心讚曰帝席設坐晏旅離酬象亢池亢池六星在
 新書帝席屬角今西士無此星亢池亢池六星在
 北大星去極七十度半入亢宿二度甘氏曰亢池在
 亢宿北讚曰亢池不居移徙之家注曰亢舟船也池
 水也亢池猶渡水也焦延壽曰亢池不居亢度中則
 廟有大怪黃帝占曰亢池一名代津一名亢星郝萌
 曰亢池主水道其星細微則凶軋象新騎官騎官二
 書亢池屬亢今西士亢池四星亦屬亢騎官十七星

在陣車南維距西北星去極一百二十度入氏宿初
度石氏曰騎官一名輕騎又曰他星入騎官有喜黃
帝占曰騎官主宿衛帝宮以防不虞其星衆而明王
者後宮吉天下安其星微少若芒不見守衛夏案漢
官曰秦置散騎騎從傍乘輿車後獻可替否是其陣
職也今西士騎官十四星內三星車騎一星頓頓陣
車陣車三星在氏南距東星去極一百十三度入氏
周禮車僕掌戎車之萃廣車之萃注曰廣車橫陣之
車也宣十二年左傳曰其君之戎分爲三廣廣有一
卒卒偏之兩杜預曰十五乘爲一廣車騎三車騎
是則陣車之制也占天錄陣車屬亢車騎在騎官南
距東南星去極一百四十四度入氏宿二度巫咸曰車
騎金官也甘氏讚曰車騎部行石氏曰總領車騎行
軍之事也天官書曰客星入車騎星西羗且來降案
周禮戎右注曰古者參乘此克戎路之右又戎僕注
曰馭言僕者此亦侍御於車故車騎天輻在氏宿東
與騎官職異也今西士作人騎官

南近房宿距南星去極一百十四度入氏星十度巫
咸曰天輻宰乘輿之官也讚曰天輻陳駕被軒鸞旗
焦延壽曰天輻近尾吉遠尾天下有爲害者元命包
曰天輻主言祠事氣有離合設禱謝宋均曰離星相
遠也合星相近案考工記曰輪輻三十以象日月也
老子曰三十輻共一轂是輻爲輿所至要輿脫輻則
不可以行矣故以車騎將軍南一曰騎陣鄭樵通志
主乘輿者爲天輻車騎將軍車騎將軍一星在騎官
曰騎陣將軍主騎將也搖動則騎將出甘氏曰騎陣
將軍在騎官東端注曰騎將之行陣也案漢百官表
曰漢文帝元年始用屬氏鍵閉去極一百八度入房
宿四度巫咸曰鍵閉一星在房東北主管籥關門之
官讚曰鍵閉司察心腹口喉天官書曰矜北一星曰
率說文曰率車軸耑鍵也兩相穿背也蔡邕月令章
句曰鍵關牡也所以止扉或謂之剡矜荆州占曰鍵
閉星明則道大昌不明則鉤鈴之東北距南星去極
闇亂官門不禁津梁隔絕鉤鈴

卷之二十二 三

一百九度半入房宿二度半鈴一作衿天官書曰天
 駟旁有兩星曰衿石氏曰鈞鈴二星去房宿七寸第
 一名天鍵二名曰天管籥元命包曰鈞鍵兩星以防
 閉神府闔舒主鈞距以備非常也通志曰王者孝則
 鈞鈴明近房天下同心遠則天下不和史記正義曰
 鈞鈴在房心之間有客星出及疎拆者皆地動之祥
 也今西曆罰三星在兩咸中距南星去極一百八
 鈞鈴一星罰度入心宿一度半巫咸曰罰三星在東
 咸西南北列讚曰罰主受金罪贖布租通志曰正而
 列則法大平曲而斜則刑罰不中今西曆罰一作伐
西咸 西咸四星在房宿上距西星去極一百四度半
 入氏宿十五度一名右咸池石氏曰西咸四星
 在氏東主治滯佚又曰東咸西咸八星者房戶之扇
 常為帝之列屏以表障后宮以防奸私也今西曆西
 咸五星外東咸一東咸四星在心宿上距西南星去極
 增三星外東咸一百十一度入心宿一度一名左咸
 池黃帝占曰東西咸一名大明邠萌曰東西咸日月
 五星之道也海中占曰東咸西咸星明而行列王者

威令行妃后守其宮其星微小而不行列若亡不見
 人主微弱女主自恣奢淫無度武密及乾象新書東
 咸屬心今西曆東曰一星在房宿西中道前去極
 咸四星外增一星曰昭令德耀生飛鳥宋中興志曰甘
 甘氏星簿讚曰日昭令德耀生飛鳥宋中興志曰甘
 氏曰日一星在房之西氏之東日者陽精之宗也以
 司太陽之行度日生於東故於是在焉鄭樵通志曰
 日主明德日一星晉隋志皆不載今西曆又增一星

從官 從官二星在房宿十四度巫咸曰從官二星在房西
 南讚曰從官二星主疾病醫一作巫官石氏曰巫官

二星在房西南主巫醫之職事也案周禮巫馬之職
 醫四人疏曰巫知馬崇醫知馬病房為天駟巫醫在
 焉是蓋巫馬之職也晉志從官二星在積卒西北列
 於二十八屬房積卒積卒十二星在房心南距西星
 宿之外屬房積卒去極百二十四度少入房宿三

積卒主守衛明堂其星欲微小而明則天子吉其國
 度石氏曰積卒一名衛士芒角動聚兵事黃帝占曰

安昌海中占曰積卒不如其故有兵細微若不見兵
車盡出晉志積卒十二星在二十八宿之外乾象新
書屬房今西曆積卒屬心武密書以東咸積卒並屬心
卒二星亦屬房屬心今從步天歌惟積卒屬心

皆大火也爾雅大火謂之大辰春昭十五年冬有
星孛于大辰范甯注穀梁曰劉向曰大火
者大火也不曰孛于大火而曰大辰者謂濫於
蒼龍之體不獨加大火是大火專謂氏房心也**位在**

東正之中分野屬豫州禹貢荊河惟豫州孔傳曰西
南至荊山北距河爾雅河南

曰豫州郭注曰自南河至漢是豫州在大河之南荆
山漢水之北也周禮職方河南曰豫州其山鎮曰華

山其澤藪曰圃田其川榮洛其浸波澆鄭康成曰波
讀為播禹貢榮播既都春秋傳楚子除道梁澆營軍

臨隨澆宜屬荊州案後漢書馬融廣成頌浸以波澆
章懷注曰波水出歇馬嶺在汝州魯山縣西北則波

澆之波非即為榮播矣春秋莊四年楚鬬初屈重除
道梁澆杜注澆水在義陽瀛縣西東南入湏水水經

注澆水出隨縣西北黃山瀛西縣西又東南瀛水入
焉杜云瀛縣西誤當是瀛西縣也水經注湏水至安

陸入沔沔即漢也澆水東南入湏湏東南入漢澆水
在漢水之北則澆在豫州不宜屬荊州矣秦并天下

此為三川碭郡潁川及南陽之東北境南郡之北境
漢復置豫州與荊州隔漢一行以申隨並屬鵠火在

豫州蓋本周禮為說天官書房心**古宋**見前考春秋
豫州元命包曰鈞鈴星別為豫州經傳宋地有

黃管部防稷虛龜亥蕭幽村貫泓呂留合緡商橫厨
鞏曹老桃穀丘盧門蒙澤梁正葵正鹿上孟諸承匡

長正邳門新城大棘睢澁沙隨洧陂夫渠洧陵彭城
曹門朝邾城郟幽丘台谷虛打犬丘商丘訾母桐門

楊梁澤門蒙門鬼闔南里舊塘鴻口楊門新里褚正
曲棘老正壽餘雍正城鉏黃池逢澤空澤連中空桐

沃宮薄即毫犖即檉孟即唐孟濊拏即渠蔭次睢之
社靡角之谷桑林之門案桓二年會于稷杜注稷宋

地水經注陳留外黃縣南有稷里即此是也僖二十
一年盟于鹿上杜注鹿上宋地汝陰有原鹿縣史記

索隱曰汝陰原鹿其地在楚襄公求諸侯于楚楚纜
許之未合至汝陰鹿上郡國志濟陰乘氏縣有鹿城
鄉蓋此地也僖二十二年宋公及楚人戰于泓杜注
泓水名金史地理志睢州柘城縣有泓水成十八年
晉侯師于台谷以救宋杜注台谷地關案今蕭縣北
有三台山山在古蕭城東南十里蓋宋地也又黃池
宋地見前曹見前曹地有洮鄭郊鍾邗曹南重曹
衛國注下曹見前曹地有洮鄭郊鍾邗曹南重曹
史地理志曹州濟陰縣有曹南山襄十七年衛伐曹
取重曹杜注重曹邑樂毅傳齊敗楚相唐昧於重
曹州成武縣界邾見前邾地有夫鍾邾邾桓十一
邾地高詹事地名考略曰滕見前史記索隱曰滕不
今汶上縣北有夫鍾里知本封案黃帝子有滕
姓當是其始封也至周以封文王子茅見前邾
叔繡宋衷曰今沛國公正是滕國也茅前邾見前邾
二城相去凡二里北部邾國南部宋邑蕭見前葛
鄭樵通志曰單州城武縣有兩邾城蕭前葛見前向

見前戴見偏陽見前偏穀梁作傳漢志彭城陽縣故
前戴見偏陽見前偏陽國師古曰偏音福古偏陽通用晉

省傳陽入呂縣魏收地甲父及商商奄吾東土也

形志呂縣有偏陽地甲父及商商奄吾東土也

水經注契始封商魯連子曰商國在太華之陽史記

正義曰商洛縣在商州東八十九里本商邑古之商

國竹書帝相十五年商侯遷于殷帝孔甲九年殷侯復歸于

芒三十三年商侯遷于殷帝孔甲九年殷侯復歸于

商正一統志商正一名闕伯臺杞史記陳杞世家杞東樓

府城南三里一名闕伯臺杞史記陳杞世家杞東樓
殷時或封或絕周武王克殷求禹後得東樓公封之
於杞漢志陳留雍丘縣故杞國今開封府杞縣也至
春秋時杞已遷東國隱四年莒人伐杞取牟婁杜注
城陽諸縣東北有牟鄉今青州府諸城縣班固以為
春秋時徙魯東北理或然也桓五年州公如曹傳曰
淳于公如曹史記索隱曰杞後改國號曰州而稱淳
于公是時淳于亡國為杞所并杞改為州杜注淳于
州國所都城陽淳于縣即杞都今安丘縣也僖十四

州國所都城陽淳于縣即杞都今安丘縣也僖十四

年傳諸侯城緣陵而遷杞杜注緣陵杞邑地理志北海有營陵臣贊曰即春秋緣陵淳于公所都之邑今故城在昌樂縣東南五十里襄二十九年杞復遷淳于晉台諸侯之大夫城杞是也杞武公十一年魯隱公即位杞閔公六年春秋獲麟後四十八年杞簡公為侯太史公曰杞後陳亡三十四年班固曰傳二十一世文獻通考云凡二十九傳非也案杞王者之後公爵也桓二年書杞侯莊二十七年書杞子傳曰用夷禮襄伯惟僖二十三年二十七年書杞子傳曰賤之也杞地見於經傳者有淳于緣陵牟婁案宣十五年會于無婁杜注無婁杞邑公羊作牟婁即隱四年伐杞所取者有緡昭四故無婁不更入杞杞隸於豫州從始封也有緡昭四夏桀為仍之會有緡叛之杜注緡國名竹書帝癸十一年會諸侯于仍有緡氏逃歸遂滅有緡案古史大吳元妃生倍伐降處緡淵為蔑姓至夏以封舜後山海經季釐之國有緡淵是也僖二十三年齊侯伐宋

圍緡杜注緡宋邑漢志山陽東緡縣今有仍昭二十兖州府金鄉縣東北二十里有東緡城有仍八年傳昔有仍氏生女黝黑而甚美樂正后夔娶之生伯封有仍緡姓歷虞夏世為諸侯哀元年傳昔有過澆滅夏后相后緡方娠逃出自竇歸于有仍賈逵曰有仍后緡之國緡有仍之姓漢書古今表作有仍蓋封國在夏后有虞哀元年傳少康奔有虞杜注虞舜後氏前也 有虞梁國有虞縣案郡國志虞縣有綸城少康邑史記正義曰虞縣在宋州北五十里古虞國商均所封今歸德府虞城縣竹書周頭王三十五年楚得吾帥師及秦伐鄭圍綸氏即是地矣博物記沙以河東汾陰為古之綸邑則今平陽府滎河縣也沙隨成十六年秋會于沙隨杜注沙隨宋地梁國寧陵縣北有沙隨亭水經注汜水東逕寧陵縣沙陽亭故沙隨空桐哀二十六年傳宋大尹奉公自空桐入國矣 空桐杜注梁國虞縣東南有地名空桐太史公曰契後分封以國為姓有空桐氏世本云空桐子姓趙世家襄子娶空桐氏是也正義以為空桐山謬

矣彭城之國成十八年宋魚石復入于彭城杜注彭城宋邑楚國彭城縣故彭祖國舜本紀

日彭祖自堯時舉用未有分職索隱曰彭祖卽陸終氏之第三子篋鏗之後案天問曰彭鏗斟雉帝向饗

注曰彭祖進雉羹事堯是鏗卽彭祖也時已封彭世謂之大彭竹書夏帝啟十五年彭伯壽帥師征西河

商祖乙元年命彭伯韋伯武丁四十二年王師滅大彭據此則老彭爲商賢大夫者別是一人非彭祖也

皆其分也

析木之次鄭注月令曰孟冬者日月會於析木而斗建亥之辰也周禮曰析木之津一名大昭

一名尾尾九星星經曰在黃道外十五度少景祐測漢津

後宮第一星后次三夫人次九嬪次嬪妾一名后族皆欲明大小相承則後宮多子孫又曰尾天之九子

也騰躍圻絕不居其所君臣不和國語作箕箕四星龍尾尾古尾字今西曆尾九星外增一星

在黃道外五度少石氏曰尾箕蒼龍之末也直寅主八風之始又曰亦爲天漢九江口天官書曰箕爲敖

容曰口舌宋均曰敖調弄也箕以簸揚調弄爲象占日箕主繼夷箕動者蠻夷有使來又曰箕星居河邊

歲大惡若中河而居天下食人易是預謀曰箕中二星少則乘貴穀者人之精也故天下安樂卽星衆

宿龜龜五星距度見前石氏曰天龜星常居漢中吉占曰若不中主卜吉凶又曰龜星

居漢中有易水一曰天下水旱物不咸吳淑龜四星賦亦有見天文於南漢謂此也今西曆龜四星

天江四星在尾宿上門市門外距南星去極一百十

一度入尾宿七度石氏曰天江四星在尾北主太陰

明動大水不其津梁不通又曰天江四星在尾中河而處則

兵起如流沙漢志曰江星動以人涉水黃帝占曰若

其星參差不齊馬貴一日馬多死晉志天傳說傳說

江列天市垣今西七天天江五星外增二星傳說傳說

在尾後河中去極一百八度半入尾宿十四度晉語

天策焯焯注曰尾上一星名曰天策一名傳說石氏

曰傳說一星在第二星東二寸小者是又曰傳說者
 章祝女巫官一名太祝司天王之內祭祀以祈子孫
 故有太祝以傳說於神宮黃帝占曰傳說神明則後
 宮吉子孫昌元命包曰傳說主祝章巫官也章請號
 之聲也案周禮太祝掌六祈以同鬼神亦五曰攻六
 曰說注曰攻說則以辭責之是傳說當讀如攻說之
 說也莊子曰傳說相武丁奄有天下乘東維騎箕尾
 而比於列星鄰萌曰傳說星光明王命與輔佐出蓋
 又因莊子為之說也 **魚** 魚一星距度見前黃帝占曰
 今西曆傳說作氣 **魚** 魚星常在河東近箕又曰魚
 星主雲旗其星忽然不明如雲常居漢中微而不明
 則陰陽和風雨時明而動搖雨澤不時有大水海中
 占曰魚星若微小出河外天下大旱五 **神宮** 神宮一
 穀不成晉志龜魚並在二十八宿之外 **神宮** 星在尾
 內西第三星旁相去一寸去極一百二十五度入尾
 宿五度第一曰天矢一曰天九江石氏曰尾上第一星
 后也第三星旁一星名神 **天維** 天維三星石氏曰天
 宮解衣之內室說虞之所 **天維** 三星在尾北斗杓

後若星散則天下有地動也 漢志曰維星散句星信

則地動極後有四星名曰句星斗柄後有三星名曰

維星散者不相從 **屬尾天舌** 東篇曰維南有箕載喻

也步天歌無此星 **屬尾天舌** 東篇曰維南有箕載喻

其舌又詩巷伯箋曰箕星多然踵狹而舌廣石氏曰

箕舌一星芒動則大風不出三日箕舌動如翹風揚

直則君無讒問木守之宮中有一口舌事今西土無此

星 **木杵** 木杵三星在箕南距中星去極一百三十八

有兵杵曰用事軍糧急其星微小天下安寧而無兵

石氏曰杵縱則民足食橫則民飢又曰天杵星不具

民賣釜餓易繫斷木為杵故曰木 **糠粃** 糠粃一星

杵今西北去極一百十七度八尾宿十七度半甘氏曰

糠一星在箕舌前讚曰箕主簸揚糠給囷豬鄭樵通

志曰明則為 **屬箕皆析木也位在東正之北分野屬**

豐暗為飢 **屬箕皆析木也位在東正之北分野屬**

幽州 孔氏書傳舜分冀州為并州分青州為營州始

狄邢昺曰地理志涿郡故安縣閭鄉易水所出東至

方東北曰幽州其山鎮曰醫無閭其澤藪曰獫狁其

川河神其浸菑時秦時為涿郡漁陽右北平遼西遼

東漢復為幽州光武十三年以遼東屬青州二**古北**

十四年還屬幽州元命包曰箕星散為幽州

燕 見前國策蘇秦說燕文侯曰燕東有朝鮮遼東北

有林胡樓煩西有雲中九原南有呼淹易水太史

公曰燕北迫蠻貉內措齊楚**孤竹** 見前竹書帝辛二

崎嶇強國之間最為弱小**孤竹** 十一年伯夷叔齊

自孤竹歸于周管子桓公三十二年征孤竹齊語桓

公北伐山戎刺令支斬孤竹注曰令支今為縣屬遼

西孤竹之城有焉孤竹爾雅作觚竹**無終** 見前莊公

又案夷齊父初字子朝見韓詩外傳**無終** 十年齊人

伐山戎杜注山戎北戎無終三名也案昭元年傳晉

中行穆子敗無終及羣狄于太原韋昭曰無終山戎

之國今為縣在北平據此其地在太原東北二千餘

里何山與晉為難而戰於太原或曰與諸戎之近晉

者相率而東或曰先在**及徐** 鄭語史伯曰當成周者

代郡之境後遷於北平**及徐** 北有衛燕翟鮮虞潞洛

泉徐蒲韋昭注曰徐隗姓水經注聖水自涿郡東與

桃木合首受涿水於徐城東南即是徐也是與羸姓

之徐**肥** 漢志遼西肥如縣應劭**山戎** 莊三十年齊人

為二**肥** 曰肥子奔燕燕封於此**山戎** 伐山戎杜注山

戎北狄韋昭注國語曰今鮮卑劉向說苑曰齊已伐

山戎孤竹乃分山戎之寶獻之周公之廟周書王會

解曰山戎菽孔晁注曰山戎東北夷戎菽荳藥也胡

三省注通鑑曰自漢北平無終白狼以北皆大山重

谷諸戎居之春**肅慎之國** 昭九年傳肅慎燕亳吾北

秋謂之山戎**肅慎之國** 土也杜注肅慎在玄菟北

三千餘里竹書武王十五年肅慎氏來賓成王九年

肅慎氏來朝王使榮伯錫肅慎氏命魯語仲尼曰昔

武王伐商肅慎氏貢楛矢周書王會解正北方稷慎

大塵注曰稷慎肅慎也晉書肅慎國一名挹婁鄭漁

山行雨成考

卷之十二

十

仲都邑略曰古肅慎國都不皆其分也

咸山在夫餘東北千餘里

星紀之次 鄭注月令曰仲冬者日月會于星紀而斗

皇甫謐曰星紀一名天府斗南斗六星星經曰在黃道外二度半

紀一名天府斗南斗六星星經曰在黃道外二度半

關三名天機大明王道和平將相同心帝命壽天下

安黃帝占曰南斗一名鈇鉞石氏曰南斗主天子壽

命亦云宰相爵祿之位甘氏**牽牛**牛六星星經曰在

日南斗主兵斗動者兵起**牽牛**黃道內四度太

氏曰上一星主道路次二星主關梁次二星主南夷

中央大星不明而黃者天下芻大貴十倍中央大星

左右出者牛大貴牽牛不與織女直者天下陰陽不

和石氏曰牽牛星明大次第相承王道大昌天**二宿**

下安寧今西士牛六星外增二星內三星作氣**二宿**

建星 建六星距度見前黃帝占曰建星一名天旗一

名天關郝萌曰箕星與建星之間日月五星之

道也周髀經曰日月俱起建星漢趙爽注曰建

星在斗上為歷術者度起牽牛前五度則建星其近

也荆州占曰建星欲其相對列則天下安若不相對

皆其分也

外增**天弁** 天弁九星在建北近河距西大星去極九

一星在天市垣外天下市官之長也主市中列肆其星明

大則市中物盛興其星不明則萬物衰耗又曰天弁

星主恭儉明吉不明凶**鼈** 鼈十四星距度見前一曰

晉志作天辯屬天市垣**鼈** 天鼈即天龍國語伶州鳩

曰我姬氏出自天龍及析木者有建星及牽牛焉注

曰天龍即元枵須女天龍之首黃帝占曰鼈星常居

漢中微而不明則天下和雨澤時若不居漢中則陰

陽不和天下旱石氏曰鼈一星去有白衣之會讚曰

鼈星為水虫太陰也**天鷄** 天鷄二星在狗國北距西

今西士鼈十三星**天鷄** 星去極一百十度入斗宿

十六度半合誠圖曰天鷄主候時荆州占曰天鷄非

其故多大水不通甘氏星簿讚曰鷄鳴司旦審夜省

山

河

雨

成

考

時晉志天鷄屬天市垣今**天籥**天籥八星在斗杓第

西士天鷄二星外增一星**天籥**二星西距西大星去

極一百十四度半入尾宿十九度巫咸曰天籥八星

在南斗南讚曰天籥司記警問算疑注曰天籥瑄籥

也晉志天籥屬天市垣乾象新書**狗國**狗國四星距

屬箕武密書屬尾今西士無此星**狗國**度見前石氏

曰狗國四星在建東南主鮮卑鳥**天淵**天淵十星在

九明邊兵起也晉志屬天市垣**天淵**狗國西南距

中北星去極一百二十九度入斗宿十七度巫咸曰

天淵十星在鼈東南九坎間讚曰天淵灌溉盈滿淵

區隋志曰天池一日三池一日天海主灌溉事晉隋

志天池在二十八宿之外今西士以中六星作氣

狗狗二星在南斗魁前距東大星去極一百十八度

距荆州占曰狗星不如常戒守禦之臣晉志**狗二**

星在二十八宿之外今西士狗二星外增一星**農**

丈人農丈人一星在杵旁去極一百三十四度入箕

宿六度半甘氏曰農丈人一星在南斗西南讚

曰先農丈人執斗與箕注曰農丈人老農也邾萌曰

農丈人主歲豐耗在箕東歲大熟在箕西飢在箕南

天籥

天籥八星在斗杓第

天籥

二星西距西大星去

天籥

極一百十四度半入

天籥

尾宿十九度巫咸曰

天籥

天籥八星

天籥

在南斗南讚曰天籥

天籥

司記警問算疑注曰

天籥

天籥瑄籥

天籥

也晉志天籥屬天市

天籥

垣乾象新書

天籥

狗國狗國四星距

天籥

屬箕武密書屬尾今

天籥

西士無此星

天籥

曰狗國四星在建東

天籥

南主鮮卑鳥

天籥

天淵天淵十星在

天籥

九明邊兵起也晉志

天籥

屬天市垣

天籥

中北星去極一百二

十九度入斗宿十七

度巫咸曰天籥八星

去極一百十四度半

入尾宿十九度巫咸

曰天籥八星

在南斗南讚曰天籥

司記警問算疑注曰

天籥瑄籥

也晉志天籥屬天市

垣乾象新書

狗國狗國四星距

屬箕武密書屬尾今

西士無此星

曰狗國四星在建東

南主鮮卑鳥

天淵天淵十星在

九明邊兵起也晉志

屬天市垣

中北星去極一百二

天籥

天籥八星在斗杓第

天籥

二星西距西大星去

天籥

極一百十四度半入

天籥

尾宿十九度巫咸曰

天籥

天籥八星

天籥

在南斗南讚曰天籥

天籥

司記警問算疑注曰

天籥

天籥瑄籥

天籥

也晉志天籥屬天市

天籥

垣乾象新書

天籥

狗國狗國四星距

天籥

屬箕武密書屬尾今

天籥

西士無此星

天籥

曰狗國四星在建東

天籥

南主鮮卑鳥

天籥

天淵天淵十星在

天籥

九明邊兵起也晉志

天籥

屬天市垣

天籥

中北星去極一百二

星去極八十三度入斗宿十九度黃帝占曰河鼓一名天鼓一名三武一名三將軍中央星大將也左星左將軍右星右將軍皆天子將也又曰河鼓星曲失計奪勢郝萌曰天鼓之星怒者馬貴一名元鼓又曰一名提鼓一名天董一名天廐爾雅曰河鼓謂之牽牛郭璞曰今荆楚人呼牽牛為擔鼓擔者荷也李巡曰河鼓牽牛皆二十八宿名也孫炎曰河鼓之旗十牽牛為儀牲其北河鼓石氏曰河鼓星欲正直而明大黃潤澤則無兵大將吉又曰三武易次兵起案爾雅有兩牽牛猶斗杓有兩招搖解者誤合為一非也又河鼓一名天董不解其義周禮太祝辨九擗四曰振動鄭大夫曰動亦或為董振董以兩手相擊也織天董亦擊鼓之義今西士河鼓四星外增七星

女 織女三星在天紀東河鼓北春夏必先見距大星去極五十二度半天宿五度天官書曰織女天女孫也郝萌曰織女一名東橋又曰織女大長秋也石氏曰織女天女主瓜果絲帛收藏珍寶及女變又

曰織女之道與貫索相直布帛賤不相直天下有急布帛貴荆州占曰織女在牽牛西北鼎足若星是常向牽牛扶筐牽牛扶筐亦常向織女之足不如其故布帛倍其價黃帝占曰織女大星后兩小星太子之位三星齊明天下和平陳卓曰王者至孝神祇咸喜則織女三星俱明案宗懔歲時記曰七月七日為牽牛織女聚會之夜戴德夏小正云是月織女東向蓋言星也據此則云相會者義蓋如此世以為牛女之神相會謬矣又杜預以婺女為已嫁之女織女為處女亦甚無據乾象新書織女屬斗晉志屬太微垣今西士織女四星外**左旗**左旗九星在河鼓旁距西第增一星屬天市垣**左旗**四大星去極七十三度半入斗宿二十四度晉志曰旗即天鼓之旗所以為旌表也石氏曰河鼓三星旗九星在牽牛北河鼓旗揚而舒者大將出不可逆當隨旗所指擊之大勝又曰河鼓旗星明者則旗幟出以日占其國又曰若旗星不正有兵甘氏星簿讚曰左旗幽谷險阻隱逃晉志左旗屬天市垣武密書左旗屬箕今西士左旗十六星

外增右旗九星在河鼓右距南星去極七十三

渠門兩旗所建以為軍門是旗有左右也晉隋志右

星天桴天桴四星在羅堰北左旗端距六星去極九

星在河鼓左旗端南北列讚曰天桴應度節漏省時

注曰天桴鼓槌也謂應漏刻時節也荆州占曰天桴

星末明度數改刻漏失時石氏曰天桴星明軍鼓鳴

黃帝占曰天桴者一名奚仲四星在河鼓東天桴前

近河鼓則鼓用晉志天桴屬羅堰羅堰三星在牽牛

天市垣今恒星表無此星羅堰三星在羅堰距馬也以華

一百十九度入斗宿四度晉志曰羅堰距馬也以華

蓄水潦溉渠也石氏曰羅堰三星不明暗吉明為被

水淹浸郗萌曰羅堰主起居甘氏星簿讚曰羅堰隄

雍激內注渠案周禮雍氏注曰雍謂隄防止水者也

晉志羅堰九星在二十八宿之外九漸臺漸臺四星

富作三今西士羅堰二星少一星

足距東南星去極五十八度入斗宿十度甘氏星簿

讚曰漸臺守漏度晷吹灰注曰四方高曰臺下有水

日漸主晷漏律呂之事文憲公陶女詩曰泉清壺漏

滴表正陽晷中是其事也又案三輔黃圖曰漸臺在

未央宮太液池中漸臺星名法星以為臺名也晉志

漸臺屬太微垣乾象新書屬斗武密書屬斗又屬牛

今西士漸臺四輦道輦道五星在織女西足距西北

外增二星輦道五星去極三十八度入斗宿十八

度甘氏曰輦道道遙優游私行石氏曰輦道五星主

天子遊宮嬉樂之道也晉志曰漢輦道通南北宮其

象也宋書禮志曰輦車周禮王后五路之卑者也后

宮中從容所乘非王車也漢制乘輿御之晉志輦道

屬太微垣乾象新書屬斗今屬牛一星屬牛古未載

西士輦道四星屬天市垣今西士諸星凡言屬某宿者

經天該亦無此星已上今西士諸星與下屬某者同也

與下屬某者別也不言屬某宿者與下屬某者同也

皆星紀也位在北正之東分野屬揚州

揚州孔傳曰

北據淮南距海爾雅江南曰揚州郭注曰自江南至海周禮東南曰揚州其山鎮曰會稽其澤藪曰具區其川三江其浸五湖通典曰白晉以下歷代皆云五嶺之南至於海並禹貢揚州之地荆州南境至衡山之陽若五嶺之南在九州封域則以隣接壤宜屬荆州豈有捨荆而屬揚熊氏曰禹嘗至會稽并越郡屬揚州亦甚矣若會稽東南郡縣及粵東八閩唐虞時聲教未通貢賦不及此皆秦漢後開闢之地烏可以揚州槩之案堯典曰宅南交太康地記曰交州本屬揚州取交趾以為名虞之南極也山海經曰甌閩皆在海中伊尹四方獻令曰正南甌鄧桂國請令以珠璣玳瑁為獻作書成王十年越裳氏來朝國策吳起為楚悼南攻揚越史記南越尉佗傳秦時已并天下略定揚越置桂林南海象郡張晏曰揚越揚州之南越也孔氏曰夏禹九州越本屬揚州故曰揚越則是三代已前甌越八閩已通貢賦者可知秦并天下此為九江鄣郡會稽南海漢復為揚州

古吳

見前考春秋經傳吳地有

鳩茲衡山淮上善道朱方延陵房鍾樛李夫椒邗溝棠皇泓上桐汭額黃笠澤涇郎艾臯舟之隘襄三年楚子重伐吳克鳩茲至于衡山杜注鳩茲吳邑在丹陽蕪湖縣東衡山在吳興烏程縣南案山謙之丹陽記曰丹陽縣東十八里有衡山綿亘數十里去鳩茲不遠當是子重所至也襄五年會吳于善道杜注善道地闕案阮勝之南徐州記曰今盱眙縣春秋時善道哀十七年傳吳子禦之笠澤國語越敗吳於囿注曰囿笠澤也揚州記曰太湖一名笠澤水經注曰上承太湖東逕笠澤在吳南松江左右吳地記曰笠澤松江之別名則太湖非即為笠澤矣又吳越春秋越王謂太宰嚭曰子為臣不忠無信亡國滅君乃誅嚭并妻子越絕書曰擒夫差殺太宰嚭又曰殺太宰嚭逢同與其妻子史記吳世家曰越王滅吳誅太宰嚭越世家亦曰越王乃葬吳王而誅太宰嚭是嚭之就誅無疑以春秋考之越滅吳在魯哀公二十二年後二年左傳公如越將妻公而多與之地季孫懼使因太宰嚭而納賂焉乃止是則吳亡而嚭入越夫固無

恙也史記及二越見前越地見於經傳者有姑蔑甬
 書似未足據越東冥輿地記曰越侯傳國三十餘
 葉歷殷至周敬王時有越侯夫譚子曰允常拓土始
 太稱王春秋時貶為子案竹書周成王二十四年於
 越來賓穆王二十七年東至于九江架龍鼉以為梁
 遂伐越至于紆元王元年於越徙都瑯琊四年於越
 滅吳貞定王四年於越子勾踐卒後八十二年於越
 遷於吳又四十年於越子無疆伐楚又二年楚伐
 於越殺無疆時周顯王三十六年也國語戰於五湖
 韋昭注曰五湖太湖也又范蠡既滅吳反至五湖乃
 解於王曰臣不復入於越國矣遂乘扁舟以浮於五
 湖莫知其終極然則此五湖者不當在越之境內
 以為即太湖誤矣應劭風俗通義曰謹案春秋國語
 五子胥諫吳王與我爭五湖之利非越乎及越滅吳
 范蠡乘扁舟於五湖今廬羣舒見前羣舒廬見前六
 江臨丹陽蕪湖縣是也
 前見及舒文十二年傳楚子孔執舒子案世本氏

族篇曰任姓謝章薛舒王符潛夫論曰舒黃帝後任
 姓則舒蓋子爵而任姓也通考以舒為偃姓誤矣偃
 姓乃舒鳩潛昭三十一年吳人侵潛六楚沈尹帥師
 舒蓼舒庸救潛吳師還楚遷之於南岡史記正義
 曰潛城在壽州霍山縣東二百步一統志宗文十二
 武昌縣東八里有南湖湖上有岡曰南岡年傳楚
 子孔執舒子及宗子遂圍巢杜注宗巢二國羣舒之
 屬地在今舒城巢縣之間潛夫論曰宗氏媯姓也路
 史以為實國芊姓子頃王四年拘執宗子圍巢者案
 頃王四年即魯文公十二年華陽志曰宕渠古實國
 寰宇志曰故實城在江流縣東北八十里今巢漢志
 順慶府渠縣也安得與舒城巢縣之宗一乎巢廬江
 居巢縣故巢國也杜預曰廬江六縣東有居巢城國
 語里革曰桀奔南巢注曰南巢揚州地巢伯之國也
 今廬江居巢縣是也竹書武王十三年巢伯來賓書
 序曰巢伯來朝芮伯作旅巢命孔疏曰仲虺之誥成
 湯放桀于南巢或此巢是也巢後入楚昭二十四年
 楚子為舟師以略吳疆吳人踵楚而邊人不備遂滅

巢今巢縣舒蓼見前羣舒下杜注舒庸見前羣舒下屬無為州舒鳩見前羣舒下襄二十五年楚屈建帥亦在廬江舒鳩師滅舒鳩俞臯春秋釋義曰舒鳩在廬江陶成今蕪湖有鳩茲地即楚茲方誤矣案晉氏南渡以松茲流民僑立縣於吳樂鄉縣地今為縣屬江陵府漢廬江松茲劉胸以為唐壽州霍山不得指為古鳩茲鍾離成十五年會吳于鍾離杜注鍾離楚邑在淮南漢志九江鍾離縣應劭曰鍾離子國地也鍾離淮南漢志九江鍾離縣應劭曰鍾離子國地也陽府懷遠縣是也胡三省曰徐州城即鍾離城非矣又案括地志曰鍾離故城在沂州承縣路史以為其遷地昭二十四年吳人踵楚遂滅巢及鍾離而還楚世家楚滅吳卑梁吳亦發兵攻楚滅鍾離當是為吳所滅楚復遷之於此也又案春秋會鍾離事在成公十五年以史記年表考之即吳壽夢之十五年也

鍾

吾昭二十七年吳燭庸奔鍾吾杜注鍾吾小國漢志東海司吾縣應劭曰吳執鍾吾子水經注曰沐水逕司吾城中即是城矣一統志邳州宿遷縣在州城南百二十里春秋時鍾吾子國塗山哀七年禹會諸侯于塗山執玉帛者萬國杜注塗山在壽春東北昭四年傳穆有塗山之會蓋即其地也呂氏春秋曰禹年三十娶于塗山天問曰焉得彼塗山氏女而通之于台桑帝王世紀曰塗山氏合昏于台桑之地虞書益稷篇禹曰娶于塗山孔傳曰塗山國名疏曰蓋近彼山也太康地記曰鍾離縣西七十里有五塗山古塗山國漢志九江當塗縣今鳳陽府懷遠縣東南八里有塗山是也魯語仲尼曰昔禹致羣神于會稽之山防風氏後至禹殺而戮之越絕書曰禹登茅山朝羣臣乃更名曰會稽今山在紹興府東南十二里是也此二山相去絕遠逸不相涉鄭康成引春秋傳曰禹朝羣臣于會稽執玉帛者萬國家語曰昔禹會羣神於塗山防風氏後至戮之吳與記曰始皇二十七年上會稽塗山皆誤合二山為一不知禹會

塗山蓋在會稽之前三年矣竹書帝禹夏后氏五年
巡狩會諸侯于塗山八年春會諸侯于會稽殺防風
氏自兩事也烏得一之又案蘇鶚演義曰文字音義
云塗山古國禹娶之地在宣州當塗城及禹墟常璩巴志
宣州南陵東南有故當塗城及禹墟常璩巴志
日禹娶于塗山今江州塗山是也諸說並誤 **英氏**
僖二十六年齊人為徐伐英氏杜注英氏楚與國夏
本紀曰禹封臯陶之後于英六潛夫論曰江黃徐莒
蓼六英皆臯陶之後楚世家楚成王二十六年滅英
徐廣曰史記以英布是此苗裔俞臯曰六安州有英
山縣案宋淳祐間立鷹山寨咸淳初更名英山因立
為縣非即古英氏國也一統志六安州英山縣東五
十里 **州來** 昭十三年吳滅州來十九年楚城州來
英山 **州來** 二十三年吳伐州來以封季札漢志沛
郡下蔡縣故州來國水經注淮水又北逕下蔡故城
東本州來之城也吳季札始封延陵後邑州來故曰
延州來矣今壽州北 **姑蔑** 哀十三年傳吳彌庸見姑
三十里有下蔡城 **姑蔑** 蔑之旗杜注姑蔑越地今

東陽太末縣國語句踐之地西至于姑 **縉雲氏之國**
歲即此今衢川府龍游縣有姑蔑城
文十八年傳縉雲氏有不才子名曰號養發即三苗也
山海經謹頭生苗民釐姓蓋謹頭襲縉雲之號也史
記正義曰括州縉雲縣是 **皆其分也**
其所封今縣屬處州府也

山
河
兩
形
考

卷
之
一



